

四庫全書

史部

欽定四庫全書

皇朝通志卷四十

禮畧

吉禮

五

上

陵

臣等謹按鄭志上陵一門載於吉禮之次以事係
祭祀與山陵之典有別也我

皇朝尊

祖敬

宗典章詳審超軼往代謁

陵大禮憲古準今尤為隆備謹述鉅典載於篇中以彰

聖朝誠孝之上儀焉

肇祖原皇帝

興祖直皇帝

景祖翼皇帝

顯祖宣皇帝陵曰

永陵

原皇后

直皇后

翼皇后

宣皇后各合葬在

興京西北十里啓運山

臣等謹按

肇祖原皇帝

興祖直皇帝

景祖翼皇帝

顯祖宣皇帝陵舊在

興京共一山天命九年建都

東京奉移

景祖

顯祖陵於遼陽順治十五年奉移

景祖

顯祖陵仍祔于

興京

祖陵稱

四祖陵十六年尊為

永陵云

太祖高皇帝陵曰

福陵

孝慈高皇后合葬在

盛京城東北二十里天柱山

太宗文皇帝陵曰

昭陵

孝端文皇后合葬在

盛京城西十里隆業山

孝莊文皇后陵曰

昭西陵在遵化州昌瑞山

孝陵之南

世祖章皇帝陵曰

孝陵

孝康章皇后合葬

端敬皇后祔葬在遵化州西北七十里昌瑞山

孝惠章皇后陵曰

孝東陵在

孝陵之東

聖祖仁皇帝陵曰

景陵

孝誠仁皇后

孝昭仁皇后

孝懿仁皇后

孝恭仁皇后合葬

敬敏皇貴妃從葬在

孝東陵之東

世宗憲皇帝陵曰

泰陵

孝敬憲皇后合葬

敦肅皇貴妃從葬在易州西三十里永寧山

孝聖憲皇后陵曰

泰東陵在

泰陵之東

孝賢皇后陵

慧賢皇貴妃

哲憫皇貴妃

淑嘉皇貴妃從葬在遵化州昌瑞山

孝陵之西

天聰六年十二月

太宗文皇帝率諸貝勒大臣詣

太祖陵行時享禮八年十二月

上率諸貝勒大臣詣

太祖陵行禮十年三月清明節

上率諸貝勒大臣親祭

太祖山陵崇德元年四月以營建

太廟遣官捧祝文祭告

太祖山陵時定歲除日清明日祭

陵用牛一遣守

陵官行禮

東京

陵用牛二遣宗室覺羅大臣行禮

福陵用牛一羊二遣大臣一人行禮忌辰孟秋望日

萬壽聖節上香燭獻酒果均遣大臣一人奠帛讀祝行禮每月朔望致祭用牛一不讀祝奠帛遣守

陵官行禮四年四月以征明大捷祭告

福陵

上親詣行禮

順治元年七月以中原平定遷都於燕遣官告祭

福陵二年正月定

萬壽節應遣官祭

福陵

昭陵止上香燭供酒果不讀祝八年六月定

諸陵祭典

四祖陵於冬至歲暮清明中元十月朔俱遣宗室覺羅大

臣致祭每月朔望獻熟羊一令守

陵章京致祭祭

福陵

昭陵

上躬往自左門入若遣官自右門入祭文祭品悉由中門
入除清明中元歲暮照常致祭外每歲十月朔冬
至亦各致祭一次凡和碩親王以下文武三品官
以上或專往

盛京或道過俱先謁

福陵

昭陵於二門外行三跪九叩禮及還辭

陵禮如前十一年九月遣輔國公班布爾善等恭代祭

福陵

昭陵十五年十二月禮部議凡官員有以他事赴

盛京者三品以上官於

皇陵城門外行禮遇祭祀日二品以上大臣許入門同守
陵各臣侍班從之十七年派宗室覺羅數人居

盛京每祭

陵日令其行禮

康熙二年十一月禮部題

福陵

昭陵

孝陵四季大祭恭奉

神牌安設寶座致祭至

聖誕忌辰十月朔及每月朔望祭祀既無祝帛應不必恭移
神牌揭幔祭獻從之八年停止宗室覺羅居住

盛京每年

四陵四時大祭遣多羅貝勒以下奉國將軍覺羅男爵以
上前往致祭九年八月

聖祖仁皇帝奉

太皇太后

皇太后啟行恭謁

孝陵至日行祇謁禮次日

上詣

隆恩殿大祭又次日詣

寶城前致祭

臣等謹案康熙九年以後

聖祖仁皇帝恭謁

孝陵二十七年以後恭謁

孝莊文皇后暫安奉殿皆歲或一行或至再至三茲惟謹

載歷年以來禮儀初定或以事特舉者餘年均不備叙至

世宗憲皇帝恭謁

昭西陵

孝陵

孝東陵

景陵

皇上恭謁

昭西陵

孝陵

孝東陵

景陵

泰陵

泰東陵

聖

聖相承覲揚

光烈

至孝肫誠禮文賅洽不能盡述敬從前例約著於編

十年九月

聖祖仁皇帝詣

盛京恭謁

福陵

昭陵啟行前一日

上躬詣

太廟行祇告禮次日

啟鑾設騎駕鹵簿不作樂至日恭謁

福陵行禮畢隨恭謁

昭陵行禮次日恭謁

福陵

昭陵隆恩殿行大饗禮又次日於

福陵

昭陵隆恩殿前設黃幄焚楮帛行讀文致祭禮先期遣王

暨內大臣前詣

永陵致祭祭

福陵

昭陵時

諸妃園寢亦照常致祭諸親王功臣墓各遣大臣奠酒及
回鑾率王以下各官恭詣

福陵

昭陵行告成禮

聖駕回鑾設儀仗作樂經過地方官咸朝服跪迎

聖祖仁皇帝往返均詣

孝陵奠酒行禮至京日恭詣

太廟行祇告禮畢還宮次日王以下文武各官進表慶賀
頒詔天下十五年定

陵寢祭品祭儀詳見

大清會典二十年三月奉移

仁孝皇后

孝昭皇后梓宮安葬

上謁

孝陵行禮次至

仁孝皇后

孝昭皇后陵命

皇子等行禮奠酒自是年始

聖駕謁

孝陵畢次至

皇后陵奠酒儀並同十一月

上以雲南報捷恭謁

孝陵行禮次日行大祭禮二十一年二月

上以雲南底定親詣

永陵

福陵

昭陵告祭行禮啟行前一日祇告

奉先殿過遵化州親詣

孝陵奠酒三月恭謁

福陵

昭陵儀與康熙十年同

駕至

興京展謁

永陵次日行大饗禮儀與

福陵

昭陵同四月以

回鑾恭詣

福陵

昭陵奠酒五月至遵化州復詣

金陵奠酒

聖駕回京祇告

奉先殿其王以下文武各官行禮奉

旨停止二十七年四月奉移

太皇太后梓宮於

暫安奉殿五月

上謁

暫安奉殿行禮奠酒次謁

孝陵行禮次至

仁孝皇后

孝昭皇后陵奠酒自是年始

聖駕謁

暫安奉殿次謁

孝陵儀並同二十八年十月奉安

孝懿皇后梓宮於陵寢

上詣

暫安奉殿

孝陵奠酒又至

仁孝皇后

孝昭皇后

孝懿皇后陵舉哀三十六年十月奉

諭

暫安奉殿非係山陵地方既近嗣後凡忌辰致祭著照四

時大饗禮行三十七年七月

上以親征平定噶爾丹恭奉

皇太后詣

盛京謁

陵告祭

啟鑾出古北口經蒙古諸部落至松花江及吉林烏拉地方九月
駕至

興京展謁

永陵行禮至

盛京展謁

福陵

昭陵次日大祭儀並與二十一年同

回鑾入山海關十一月謁

暫安奉殿

孝陵奠酒禮成回京六十年正月

上以御極六十年大慶命

皇四子和碩雍親王

憲皇帝廟諱

世宗

皇十二子固山貝子允禔世子弘晟恭代祭告

永陵

昭陵

福陵二月恭謁

暫安奉殿

孝陵

孝東陵行禮次至

仁孝皇后

孝昭皇后

孝懿皇后陵奠酒次日行大祭禮

雍正元年四月

世宗憲皇帝恭謁

暫安奉殿

孝陵

孝東陵行禮次詣

仁孝皇后

孝昭皇后

孝懿皇后陵行禮是日奉安

聖祖仁皇帝梓宮於

景陵饗殿八月

上恭謁

暫安奉殿

孝陵

孝東陵行禮遂至

金陵 卷四十一
景陵饗殿行禮三年二月恭移

孝莊文皇后梓宮安奉於

昭西陵饗殿遣官致祭十一月

上恭謁

昭西陵

孝陵

孝東陵

景陵行禮嗣是謁

陵禮儀同四年十一月

諭逢

聖祖仁皇帝每年忌辰遵照周年例舉行十三年十月更定
列祖

列后忌辰致祭

陵寢儀王大臣遵

旨議奏各

陵寢四時大祭牲用太牢獻帛爵讀祝文致祭於

隆恩殿具朝服行禮與各

陵忌辰祭祀之禮不同嗣後恭遇

列祖

列后忌辰致祭

陵寢均照四時大祭禮舉行從之

乾隆元年正月

皇上恭謁

昭西陵

孝陵

孝東陵

景陵行禮奠酒舉哀並

命修葺

山陵廟貌

永陵

福陵

昭陵殿宇一體修繕二月

特遣宗室將軍六人往駐

盛京給以田廬永遠承奉

三陵祭祀二年十月以修理

陵寢工竣恭謁

昭西陵

孝陵

孝東陵

景陵行禮次日遣官致祭

上親詣

景陵行禮三年二月

上以清明節恭詣

泰陵展謁行禮是日

駕未至碑亭即降輦慟哭步入

隆恩門至

寶城前行禮奠酒哀慟良久次日

躬祭

泰陵未至碑亭即下輦步入

隆恩門至

隆恩殿行禮畢復詣

寶城前奠酒舉哀嗣後

聖駕謁

陵祭

陵儀並同八年七月

上奉

皇太后駕往

盛京恭謁

祖陵啟行前一日

親詣

奉先殿祇告九月

駕至

興京恭謁

永陵次日行大饗禮儀與康熙二十一年同

駕至

盛京恭謁

福陵次日行大饗禮儀與康熙十年同禮畢即往謁

昭陵儀與謁

福陵同禮成乃

親臨功臣之墓遣官往祭

長白山

北鎮醫巫閭山及遼太祖陵

回鑾次日

皇上親詣

奉先殿告祭越二日禮部奏請行慶賀禮儀與三大節朝

賀同十四年三月以金川平定

上恭謁

昭西陵

孝陵

孝東陵

景陵行禮次詣

泰陵行禮十七年十月奉安

孝賢皇后梓宮於陵寢嗣是

聖駕恭謁

昭西陵

孝陵

孝東陵

景陵禮畢至

孝賢皇后陵奠酒儀並同十九年七月

上奉

皇太后自避暑山莊啟行

駕往

盛京恭謁

祖陵禮儀均與乾隆八年同是年議准展謁

祖陵之日

皇上素服行禮大祭日

皇上禮服陪祀及執事大臣咸朝服二十年五月以平

定準噶爾遣

皇子代行祭告

山陵二十五年二月以回部平定恭謁

昭西陵

孝陵

孝東陵

景陵行禮次詣

秦陵行禮

盛京

三陵遣親王前往恭代行禮四十一年三月以金川平定

恭謁

昭西陵

孝陵

孝東陵

景陵行禮畢次詣

欽定四庫全書
卷四十一
秦陵行禮四十二年三月奉安

孝聖憲皇后梓宮於

秦東陵恭奉

神位升祔

太廟禮畢

皇上恭謁

秦東陵慟哭行禮如謁

秦陵之儀四十三年七月

上三詣

盛京恭謁

祖陵如十九年之儀四十八年八月

上四詣

盛京恭謁

祖陵如四十三年之儀凡

皇帝恭謁

祖陵儀歲清明中元冬至除夕

列聖

列后忌辰及

國有大慶大饗儀朔望謁奠儀及因事遣官祇告儀
皆具載

大清通禮

五祀

臣等謹按鄭志載天子七祀一門本諸周制王為
羣姓立七祀曰司命曰中雷曰國門曰國行曰泰

厲曰戶曰竈洎乎漢晉以後惟祭五祀唐開元禮
有祭七祀之儀後亦旋罷我

朝祀事之隆折衷古今典制大備五祀之禮惟順治
年中行之即于十八年停止蓋以

太廟階下合祭既停因並罷其專祀也惟是曾經舉行宜
存故典謹編次於此以備考

順治八年定制每歲致祭

五祀之神禮臣議奏以正月祭

司戶之神於

宮門外道左南向以四月祭

司竈之神於

大內大庖前中道南向以六月祭

中雷之神於文樓前西向以七月祭

司門之神於

午門前西角樓東向以十月祭

司井之神於

內府大庖井前南向中雷門二祀太常寺掌之戶竈
井三祀內務府掌之先是於歲暮合祭是年停止
十五年十二月復歲暮合祭

五祀之禮十八年正月奉

諭旨戶竈井神停其祭祀又奉

諭中雷門神停其祭祀是歲王大臣奏罷

太廟階下合祭之祀從之

歷代帝王廟

順治二年三月增定

歷代帝王廟祀典禮部言三月三日例祭歷代帝王請以遼太祖及功臣耶律赫魯金太祖世宗及功臣完顏尼瑪哈完顏沃哩布元太祖及功臣穆呼哩巴延明太祖及功臣徐達劉基並宜增祀用彰

皇上追崇至意從之是月遣官致祭諸帝王祀以太牢筵各一品俱二十四功臣祀以少牢二位筵共一品俱十自後歲以春秋仲月諏吉遣官致祭著為定

典十四年正月定

親祭

歷代帝王廟儀二月

世祖章皇帝親祭

歷代帝王廟六月改定

歷代帝王廟祀典時臺臣奏請以歷代守成令主入廟
並祭又奏請罷宋臣潘美張浚從祀禮部議覆得

旨商中宗高宗周成王康王漢文帝宋仁宗明孝宗俱入

廟致祭遼太祖金太祖元太祖原未混一天下不宜與祭著停止

康熙元年二月復定

歷代帝王廟祀典大學士等議覆歷代帝王祀典如遼太祖金太祖元太祖俱係開創之君仍宜入廟崇祀至商中宗高宗周成王康王漢文帝宋仁宗明孝宗守成七帝應照會典在各陵廟致祭從之三年

詔修

歷代帝王廟六十年四月

詔增定

歷代帝王廟祀典

諭大學士等朕披覽史冊於前代帝王每加留意書生輩但知識評往事前代帝王雖無過失亦必刻意指摘論列短長全無公是公非朕觀歷代帝王廟崇祀者每朝不過一二位或廟享其子而不及其父或配享其臣而

不及其君皆因書生妄論而定甚未允當况前代帝王曾為天下主後世之人俱分屬臣子而可輕肆議論定其崇祀與不崇祀乎今宋明諸儒尚以其宜附孔廟奏請前代帝王既無後裔後之君天下者繼其統緒即當宗其祀典朕君臨宇內不得不為前人言也朕意以為凡曾在位除無道被弑亡國之主外盡應入廟崇祀爾等公同詳議具奏六十一年禮部疏覆

上諭大學士等曰此所議應崇祀處皆是但其中尚有宜

詳細斟酌者從前所定配享功臣大概開國元勳居多如明之徐達不過一草莽武夫劉基係元之進士遭遇成功遂以元勳配享其治安之世輔佐太平有功軍國者反不得與配享列是皆未為允當也又如有明天下皆壞於萬曆泰昌天啟三朝愍帝即位未嘗不勵精圖治而所值事勢無可如何明之亡非愍帝之咎也愍帝不應與亡國之君同論萬曆泰昌天啟實不應入崇祀之內爾等會同九卿分別確議具奏六十年十二月

禮部遵

大行皇帝諭旨議覆

歷代帝王廟原祀伏羲氏神農氏軒轅氏金天氏高陽氏高辛氏陶唐氏有虞氏夏禹王商湯王周武王漢高祖世祖唐太宗遼太祖宋太祖金太祖世宗元太祖世祖明太祖二十一位今擬增夏啟仲康少康杼槐芒泄不降扃廛孔甲皐發商太甲沃丁太庚小甲雍己太戊仲丁外壬河亶甲祖乙祖辛

沃甲祖丁南庚陽甲盤庚小辛小乙武丁祖庚祖
甲廩辛庚丁太丁帝乙周成王康王昭王穆王共
王懿王孝王夷王宣王平王桓王莊王僖王惠王
襄王頃王匡王定王簡王靈王景王悼王敬王元
王貞定王考王威烈王安王烈王顯王慎靚王漢
惠帝文帝景帝武帝昭帝宣帝元帝成帝哀帝明
帝章帝和帝殤帝安帝順帝冲帝桓帝靈帝昭烈
帝唐高祖高宗睿宗元宗肅宗代宗德宗順宗穆

宗文宗武宗宣宗懿宗僖宗遼太宗景宗聖宗興
宗道宗宋太宗真宗仁宗英宗神宗哲宗高宗孝
宗光宗寧宗理宗度宗端宗金太宗章宗宣宗元
太宗定宗憲宗成宗武宗仁宗泰定帝文宗寧宗
明太宗仁宗宣宗英宗景帝憲宗孝宗武宗世宗
穆宗愍帝凡一百四十三位其從祀功臣原祀黃
帝臣風后力牧唐虞臣臯陶夔龍伯夷伯益商臣
伊尹傳說周臣周公旦召公奭太公望召虎方叔

漢臣張良蕭何曹參陳平周勃鄧禹馮異諸葛亮
唐臣房元齡杜如晦李靖郭子儀張巡許遠李晟
宋臣曹彬韓世忠岳飛遼臣耶律赫魯金臣尼瑪
哈沃哩布元臣穆呼哩巴延明臣徐達劉基三十
九人今擬增黃帝臣倉頡商臣仲虺周臣畢公高
呂侯仲山甫尹吉甫漢臣劉章魏相丙吉耿弇馬
援趙雲唐臣狄仁傑宋璟姚崇李泌陸贄裴度宋
臣呂蒙正李沆寇準王曾范仲淹富弼韓琦文彥

博司馬光李綱趙鼎文天祥金臣斛羅元臣博果
密托克托明臣常遇春李文忠楊士奇楊榮于謙
李賢劉大夏凡四十人

世宗憲皇帝諭是依議速行十二月增設

歷代帝王廟牌位遣官致祭

雍正二年三月

親祭

歷代帝王廟七月

諭禮部嗣後親祭時鹵簿大駕俱由廟門映壁外行三年
九月四年二月五年三月七年二月皆

親祭行禮

乾隆元年九月

詔追謚明建文皇帝為恭閔惠皇帝入祀

歷代帝王廟三年九月

皇上親祭

歷代帝王廟九年二月

金史卷之四十一
卷四十一
皇上親祭

歷代帝王廟二十九年重修

歷代帝王廟

詔改益黃瓦以崇典禮三月工竣

皇上親詣致祭四十年三月四十八年三月皆

親祭

歷代帝王廟四十九年七月奉

上諭朕因覽四庫全書內大清通禮一書所列廟祀歷

代帝王位號乃因舊會典所定有所弗愜於心敬憶
皇祖實錄有飭議增祀之諭今查取禮部原議紅本則係
康熙六十一年十一月內具題爾時諸臣不能仰體
聖懷詳細討論未免因陋就簡我

皇祖諭旨以凡帝王曾在位者除無道被弑亡國之主此
外盡應入廟卽一二年者亦應崇祀煌煌

聖訓至大至公上自羲軒下至勝國其間聖作明述之君
守文繼體之主無不馨香妥侑不特書生臆論無能

仰喻

高深即歷代以來升歆議禮未有正大光明若此者也乃
會議疏內聲明偏安亡弒不入祀典而仍入遼金二
朝不入東西晉元魏前後五代未免意有偏向視若
仰承

聖意而實顯與

聖訓相背朕意若謂南北朝偏安不入正統則遼金得國
亦未奄有中原何以一登一點適足啟後人之訾議

即因東西晉前後五朝有因篡得國擯而不列如操
丕不得為正統之例殊不知三國時正統在昭烈故
雖以陳壽三國志之尊魏抑蜀而卒不能奪萬世之
公評至司馬氏篡竊以還南朝神器數易如宋武帝
崛起丹徒手移晉祚自不能掩其篡奪之罪其他雖
祖宗得國不正而子孫能繼緒承休即為守文中主
亦不可概從缺略况自漢昭烈以至唐高祖統一區
夏時之相去三百餘年其間英毅之辟節儉之主史

不絕書又安可置而不論至於後五代如朱溫以至
郭威或起自寇竊或身為叛臣五十餘年更易數姓
中華統緒不絕如綫然周世宗承藉郭氏餘業混有
疆域尚不失為令主此而概不列入則東西晉前後
五代數百年間創守各主祀典缺如何以協千秋公
議他如元魏雄據河北地廣勢強太武道武勤思政
理講學興農亦可為偏安英主並當量入祀典以示
表章朕前命館臣錄存楊維禎正統辨論內詳晰宣

論以維禎所辨正統在宋不在遼金之說為是所以
存春秋綱目之義見人心天命之攸歸且檢閱孫承
澤春明夢餘錄所載明代崇祀古帝王位號原未列
遼金二朝今通禮內崇祀遼金而不入東西晉前後
五代似此互相入主出奴伊于何底此皆議禮諸臣
有懷偏見明使後世臆說之徒謂本朝於歷代帝王
未免區分南北意存軒輊甚夫

皇祖降諭之本意也至明之亡國由於神熹二宗紀綱隳

而法度弛愍帝承統時國事已不可為雖十七年身
歷勤苦不能補救傾危卒且身殉社稷未可與荒淫
失國者一例而論是以

皇祖睿裁將神燾二宗撤出而愍帝則特令廟祀

褒貶予奪毫釐不爽實千古大公定論乃諸臣於定議時
轉復將漢之桓靈增入豈未思炎漢之亡亡於桓靈
而不亡於獻帝乎從前定議未將東漢全局詳審論
斷轉使昏闇之君濫叨廟食所議未為允協夫自古

帝王統緒相傳易代以後饗祀廟庭原以報功崇德
至于嚴篡竊之防戒守成之主或予或奪要必出於
至當而無所容心於其間方協彰瘴之義所有歷代
帝王廟祀典著大學士九卿更行悉心詳議具奏並
著於定議後交四庫館恭錄

皇祖諭旨並朕此旨於通禮廟饗首卷以昭殷鑒歷朝垂
示萬年之至意尋遵

旨議奏請增入廟祀晉元帝康帝明帝穆帝成帝哀帝

簡文帝宋文帝孝武帝明帝齊武帝陳文帝宣帝
元魏道武帝明帝太武帝文成帝獻文帝孝文帝
宣武帝孝明帝唐明宗周世宗共二十三帝至漢
之桓帝靈帝應遵

旨撤出又奏請唐憲宗金哀宗應否增祀伏候

訓示遵行得

旨大學士九卿等會議增祀兩晉元魏前後五代各帝
王一摺並聲請唐憲宗金哀宗應否一體增祀等語

憲宗處唐中葉各鎮節度憑陵跋扈僭叛不臣憲宗
命將專征削平淮西厥功頗偉在有唐一代中尚屬
英主其末年被弑係禍變猝乘與荒亂失德召變致
叛者不同至金哀宗處衰弱之時國勢已不可問推
其致敗之由實因熙宗海陵淫虐階厲哀宗自縊殉
國與明之愍帝事同一例自應一體增祀餘俱著照
所奏行五十年四月安奉

歷代帝王廟神位工竣

皇上親詣致祭行禮如儀



皇朝通志卷四十

欽定四庫全書

史部

皇朝通志卷四十二

編修臣錢樾覆勘

總校官編修臣倉聖脈

欽定四庫全書

皇朝通志卷四十一

禮畧

吉禮六

釋奠太學

臣等謹按鄭志列釋奠及孔氏廟二門今循其例以太學祭典及闕里祭典分為二篇

皇上親臨丁祭

特頒諭旨肇建

辟雍

駕臨講學禮隆樂備萬古維昭應恭載入嘉禮門茲惟
舉祭儀成式著於篇中至鄭志以釋奠列歷代帝
王廟前次以老氏廟太公廟今遵

大清會典成例叙釋奠於帝王廟之後老氏廟本不載
於祀典太公以配享帝王廟中不設專祠此二條
今並從刪

凡

釋奠於

先師之禮為廟於城東北隅太學之東殿曰大成以四
配十二哲侑饗殿中以先賢先儒從祀兩廡

先師孔子正位南嚮四配復聖顏子述聖子思子東位
西嚮宗聖曾子亞聖孟子西位東嚮東序先賢閔
子損冉子雍端木子賜仲子由卜子商有子若西
序先賢冉子耕宰子子冉子求言子偃顓孫子師

朱子熹位均東西嚮東廡先賢遽瑗澹臺滅明原
憲南宮适商瞿漆雕開司馬耕梁鱣冉孺伯虔冉
季漆雕徒父漆雕哆公西赤任不齊公良孺公肩
定鄆單罕父黑縈旂左人郢鄭國原亢庶潔叔仲
會公西輿如邾異陳亢琴張步叔乘秦非顏噲顏
何縣亶樂正克萬章周敦頤程顓邵雍位西嚮
西廡先賢林放宓不齊公冶長公皙哀高柴樊須
商澤巫馬施顏辛曹卹公孫龍秦商顏高壤駟赤

石作蜀公夏首后處奚容蒧顏祖句井彊秦祖縣
成公祖句茲燕伋樂歆狄黑孔忠公西蒧顏之僕
施之常申棖左邱明秦冉牧皮公都子公孫丑張
載程頤位東嚮東廡先儒公羊高伏勝董仲舒后
蒼杜子春諸葛亮王通范仲淹歐陽修楊時羅從
彥李侗呂祖謙蔡沈陳淳魏了翁王柏趙復許謙
吳澄胡居仁王守仁羅欽順西廡先儒穀梁赤高
堂生孔安國毛萇鄭康成范甯韓愈胡瑗司馬光

卷四十一
尹焯胡安國張栻陸九淵黃幹真德秀何基陳澥
金履祥許衡薛瑄陳獻章蔡清陸隴其位均東西
嚮廟後建祠曰崇聖中設

肇聖王木金父左

裕聖王祈父右

詒聖王防叔左次

昌聖王伯夏右次

啟聖王叔梁紇位皆南嚮祠內配饗先賢顏無繇孔鯉

東位西嚮曾點孟孫氏西位東嚮兩廡從祀先儒
東廡周輔成程珣蔡元定西廡張迪朱松位均東
西嚮歲以春秋仲月上丁遣官釋奠

皇帝特舉崇典臨雍講學則

親詣行禮每月朔國子監祭酒率師生行釋菜禮望日

司業行禮

崇德元年定遣官致祭

先師孔子以

顏子

曾子

子思子

孟子配享五年定每年二月上丁日行釋奠禮

順治九年

世祖章皇帝視學釋奠

先師孔子前期於

大內致齋

四配

十哲兩廡各遣官分獻先是由部遣官行取衍聖公
率孔顏曾孟仲五氏世襲五經博士乘傳赴

京及五氏子孫現任京官者咸與祭十四年議準祭
先師祝文稱

至聖先師孔子通行直省各學十七年以修葺太學告
成

世祖章皇帝視學釋奠與九年禮同

康熙八年

聖祖仁皇帝視學釋奠與順治九年同二十三年

御書萬世師表匾額恭懸

大成殿並頒發直省學宮二十八年

御書

孔子贊並顏曾思孟四子贊勒石摹搨頒發直省三十五年以平定朔漢遣官釋奠於

先師勒石太學與致祭

闕里禮並行五十一年奉

諭朱子發明聖道軌於至正特加優崇升配

大成殿十哲卜子商之次前期祇告行禮五十四年

題準范仲淹從祀位列西廡先儒韓愈之次

雍正元年奉

諭

至聖先師孔子以上五代並追封為王爵部臣議奏擬

追封

木金父公為肇聖王

祈父公為裕聖王

防叔公為詒聖王

伯夏公為昌聖王

叔梁公為啟聖王其啟聖祠向繫專祀

叔梁公故以啟聖為名今合祀五代應更名為

崇聖祠春秋丁祭一體行禮並通行直省府州縣衛

畫一遵行二年

世宗憲皇帝視學行釋奠禮與康熙八年同是年奉

旨議定祔饗廟庭諸賢九卿等議奏明洪武間以來遞有
升黜今議得林放蘧瑗秦冉顏何鄭康成范甯六
人允宜復祀孔子弟子縣亶牧皮孟子弟子樂正
子公都子萬章公孫丑漢諸葛亮宋尹焞魏了翁
黃幹陳淳何基王柏趙復元金履祥許謙陳澔明
羅欽順蔡清

本朝陸隴其二十人允宜增祀又宋橫渠張子之父

迪宜增入

崇聖祠從祀從之是年以平定青海遣官釋奠於
先師勒石太學與康熙三十五年同四年仲秋丁祭

世宗憲皇帝親詣行禮七年十二月以重修

闕里

聖廟慶雲見於曲阜

世宗憲皇帝親詣太學祭告十一年仲春丁祭

世宗憲皇帝親詣行禮畢

諭禮部嗣後親詣行禮於香案前行三上香禮

乾隆二年遵

旨議準

大成殿及大成門易蓋黃瓦

崇聖祠易蓋綠瓦是年

御書與天地參匾額恭懸

大成殿並

命頒發直省懸於學宮又覆準元儒吳澄仍應從祀於

太學在西廡先儒趙復之次三年仲春丁祭

皇上親詣行禮三月

皇上視學行釋奠禮與雍正二年同是年覆準先賢有

子若升配

大成殿為十二哲在先賢卜子商之次東位西嚮移

朱子神位於西在先賢顓孫子師之次前期祇告

行禮五年仲秋丁祭

皇上親詣行禮九年仲春丁祭

皇上親詣行禮十四年以平定金川遣官釋奠於

先師勒石太學與雍正二年同二十年以平定準噶爾

遣官釋奠勒石太學與十四年同二十一年仲春

丁祭

皇上親詣行禮二十五年以平定回部遣官釋奠勒石

太學與二十年同三十四年仲春丁祭時以重修

國學

皇上親詣行禮先期

諭出內府所藏周範鼎尊卣罍壺簋盞觥爵洗各一供
大成殿中用備禮器四十一年以平定兩金川遣官釋
奠勒石太學與二十五年同四十八年仲春丁祭
皇上親詣行禮畢

命於太學彝倫堂前稽考古制肇建

辟雍以光大典五十年二月

皇上親詣釋奠於

先師禮成

御新建辟雍行講學禮

儀節恭載
嘉禮篇

闕里祀典

順治八年

世祖章皇帝遣官致祭

先師闕里

親閱祭文香帛遣行

康熙六年

聖祖仁皇帝遣官致祭與順治八年同二十年以滇南蕩

平遣官祭告二十三年東巡

躬詣

闕里致祭如

視學釋奠之禮先期奉

諭尊禮

先師應行三跪九拜禮所用樂章令太常寺酌派司樂
及樂舞生先期馳驛前往指示肄習以光盛典是年

御製祭

先師文

親詣行禮畢周視廟庭車服禮器是日

御詩禮堂講書畢復

命駕至

孔林祭酒三爵扈從王公大臣暨衍聖公皆隨行禮又特命以御前曲柄黃蓋留設廟庭嗣後

聖駕巡幸至

闕里皆致祭如儀

並互見

巡幸門

二十六年

御書

聖廟碑文遣官齋送

闕里恭摹勒石於大成門外金聲門之右二十八年

奉

旨發帑興修

聖廟三十二年重修

聖廟落成

詔遣皇子詣

闕里告祭三十六年以平定朔漢遣官致祭

先師闕里與二十年同四十二年

聖祖仁皇帝五十萬壽遣官致祭

先師闕里嗣後恭遇

萬壽慶典皆遣官致祭如儀六十一年十一月

世宗憲皇帝登極遣官祭

先師闕里如儀

雍正八年

諭以

聖廟執事之員向來未有爵秩特設

聖廟執事官三品者二人四品者四人五品者六人七
品者八人八品九品者各十人咸按品級給與章服著
衍聖公於孔氏子孫內選擇人品端方威儀嫻雅者報
部充補彙奏以聞是年重修

聖廟工竣

遣皇子及郡王一人往祭

崇聖祠亦同行禮

頒發祭器於

闕里凡登鉶簋簠邊豆尊爵均依照經圖舊式范銅
為器俾藏諸

聖廟永為世守九年

御書

聖廟碑文遣官齋送

闕里敬謹鐫刻十三年九月

皇上登極遣官詣

先師闕里致祭

乾隆十三年

聖駕東巡至曲阜先詣

先師廟上香翼日

駕詣

先師廟行釋奠禮

御詩禮堂講書禮成更常服詣

孔林祭酒禮儀與康熙二十三年同十四年以平定金

川遣官致祭

先師闕里與康熙二十年同十六年

聖駕南巡江浙過山東遣官致祭

先師嗣後

巡幸皆致祭如儀二十一年

聖駕東巡致祭

先師孔子以平定準噶爾告如康熙二十三年之儀二

十二年

聖駕南巡過山東

親詣致祭如十三年東巡之儀二十七年四十九年並
同二十五年以平定回部遣官致告如儀三十六
年

聖駕東巡

親詣致祭

先師孔子如儀是年

頒發內府周範銅器十事交衍聖公敬陳

闕里廟庭四十一年

駕幸山左

親祭

先師孔子以平定兩金川告如二十一年之儀

巡幸

凡

巡幸之禮

皇帝省方觀民

特舉時巡盛典先期一日遣官祇告

奉先殿至日鑿儀衛陳騎駕鹵簿於

鑿輿所出禁門外

皇帝乘輿出宮扈蹕諸臣以次隨發王公百官咸采服
跪送內閣學士率中書奉

御寶以從部院有執事者攜

行在印備用

鑿輅所經直省將軍督撫提鎮及所屬文武官弁咸朝服恭迎道左紳士耆老隨遠近跪迎既

駐蹕督撫提鎮率屬朝於

行營正門之外至

巡省之方翼日望秩於

方嶽及祭古昔

帝王功德隆重者

先聖

先師皆

親詣行禮境內山川先賢名臣忠烈祠墓並遣官致祭
駐蹕行營日覲封疆大吏監司郡縣

諮詢風土人情

臨視河防海塘

指授方畧

召試陳詩獻賦之士拔其尤者量授以官

親閱方鎮重兵經過州縣

賜復蠲租存問高年賞賚各有差

皇帝回鑾守土官於所治境外跪送在

京王公大臣咸采服出郊跪迎次日遣官祇告

奉先殿如初禮

順治八年四月

世祖章皇帝啟蹕巡幸塞外五月

駐蹕上都河及喀喇河屯是月入古北口

上回宮

康熙十年九月

聖祖仁皇帝東巡恭謁

福陵

昭陵行告成禮啟行前一日恭謁

太廟祇告至

盛京謁

陵禮畢設騎駕鹵簿於

大清門前

聖祖御門陞座作樂

賜宴頒賞

回鑾恭謁

太廟行祇告禮十六年九月

聖祖仁皇帝啟蹕恭謁

孝陵禮成

巡幸塞外出喜峯口

駐蹕和爾和克必喇次

駐蹕喀喇河屯

賜來朝喀拉沁諸部郡王鎮國公等弓矢銀幣各有差是

月入喜峯口十月

上回宮

臣等謹按

聖朝聲教廣訖邊關以外與中土郡邑無異歲時臨莅
習武功於徼塞盛王會於遙藩典莫隆焉自

世祖章皇帝清蹕肇臨

聖祖仁皇帝六飛時御創垂典則昭示來茲康熙四十二

年肇建

避暑山莊於熱河歲為

巡幸聽政之所

皇上闡迪

前光以乾隆六年

親莅行圍嗣乃間歲一至後遂定為每歲

秋巡令典闕門士庶瞻就

光華藩部名王歲時來辟施惠行慶朝覲宴賚之禮歲
舉為常有紀載不能盡述者茲謹載肇事之歲月
著於篇中以昭

秋巡大典之原起焉

二十一年二月

上以雲南底定東巡

盛京恭謁

永陵

福陵

昭陵告祭行禮如十年之儀二十二年二月

上幸五臺山九月

上奉

太皇太后幸五臺山二十三年九月

聖祖仁皇帝東巡前期頒

詔天下凡經過地方各有加

恩至山東泰安州

躬祭

岱嶽渡黃河遣官祭

河神至江南江寧府

親祭明太祖陵

諭江南督撫江南風俗奢華務令潔已愛民敦本尚實勒

石於江寧蘇州安慶三府

回鑾至山東

躬詣闕里致祭

先師孔子遣親王致祭

元聖周公

駕還京師王以下文武百官朝服跪迎如常儀二十八年

正月

聖祖南巡

命部院本章仍日送內閣內閣彙齊三日一次驛送

行在辦理至山東望祭

岱宗蠲山東二十九年租賦入江南境

閱視河工至浙江會稽山

躬祭

禹陵至江寧府

躬詣明太祖陵致祭

回鑾至淮安府

閱視高家堰一帶隄岸

指授河臣方畧

駕還京師餘如二十三年之禮三十七年二月

上幸五臺山路經房山

命皇子等至金太祖陵世宗陵奠酒七月

上以親征平定噶爾丹恭奉

皇太后詣

盛京謁

陵告祭如二十一年之儀三十八年

聖祖南巡奉

仁憲皇太后由水路行至清河

臨閱高家堰歸仁隄等隄防畢回至清口

臨視隄防

命截留漕糧減直發糶蠲江南浙江累歲逋賦

回鑾仍由水路奉

仁憲皇太后還京師餘如二十八年之禮四十一年正月
上幸五臺山四十二年正月

聖祖南巡

閱河入江南境沿途

閱視河防至浙江

駐蹕杭州

回鑿以河工告成頒

詔天下餘如三十八年之禮是年十月

聖祖西巡至潼關遣官祭

華嶽至西安府

命凡

帝王陵寢及已過勲臣墳墓在百里內者咸祭之蠲陝

西累年逋賦

駕由河南還京師四十四年二月

聖祖南巡

閱河

駕發京師至通州張家灣登舟由山東入江南境

臨視河工至浙江杭州府蠲免租賦至清河復

臨高家堰徧閱河隄

回鑿餘如四十二年之禮四十六年正月

聖祖南巡至江寧

幸演武場閱射至蘇州百姓萬餘人進表叩祝

萬壽至杭州普行慶惠如前禮

回鑾餘如四十二年之禮四十九年二月

上幸五臺山

乾隆六年七月

皇上奉

皇太后啟蹕巡幸塞外出古北口八月

駐蹕喀喇河屯

上行圍木蘭奉

皇太后自喀喇河屯啟行蒙古諸王公等恭迎

聖駕是日

上萬壽聖節

御行殿扈從王公大臣及蒙古王公台吉等行慶賀禮
賜宴賞賚有差九月

駕回至熱河行宮

回鑾入古北口

上奉

皇太后回圓明園八年

皇上奉

皇太后駕往

盛京恭謁

祖陵啟行前一日

躬詣

奉先殿祇告九月

駕至

興京恭謁

永陵如儀

駕至

盛京恭謁

福陵

昭陵如儀遣官致祭

長白山

北鎮醫巫閭山遼太祖陵如儀

回鑾

親詣

奉先殿告祭十一年九月

上奉

皇太后巡幸五臺

回鑾閱濬沱河隄工改慶都縣曰望都十三年二月

皇上奉

皇太后駕幸山東壘沛

恩綸普行優卹

駕至曲阜

親詣

先師孔子廟

元聖周公廟上香翼日

親詣

先師廟行釋奠禮

御詩禮堂講書詣

孔林祭酒並

親詣

少昊金天氏陵致祭遣官祭

先聖先賢墓

躬詣

岱嶽致祭至濟南府

閱兵復

躬詣

舜廟行禮十五年二月

上奉

皇太后巡幸五臺八月

上奉

皇太后駕幸中州

親詣

嵩嶽遣官致祭

河瀆衛水

周文王廟漢光武廟周世宗陵

鑾輿所經蠲免錢糧十分之三十六年正月

上奉

皇太后南巡江浙過山東遣官致祭

岱宗

先師孔子

元聖周公至宿遷登舟遣官祭

河瀆

淮瀆

江瀆之神踰淮揚抵浙江遣官致祭

南鎮會稽山

躬詣

禹陵明太祖陵致祭凡河工海塘咸

指授機宜

諭以修防之道

閱視八旗駐防及水陸標營騎射是年疊頒

諭旨截留漕糧蠲免積欠普行慶惠十九年八月

皇上東巡

盛京恭謁

三陵如八年之儀二十一年二月以平定準噶爾

駕幸山左

親詣

先師孔子廟行釋奠禮遣官致祭

先聖先賢普行慶典如十三年之儀二十二年正月

上奉

皇太后南巡江浙

臨視河工海塘

指授機宜所至遣官祭告普行慶典如十六年之儀二

十六年二月

上奉

皇太后西巡五臺二十七年正月

上奉

皇太后南巡江浙

閱河至清江浦相度水勢

指授河臣定高家堰五壩水誌水高一尺清口即開放
十丈為準俟秋汛後洪湖水勢既定仍如常接鑲
口門嗣是河臣恪守此法下河永免水患萬世永
賴至浙江

閱視海塘行慶如二十二年儀三十年正月

上奉

皇太后南巡江浙

閱視河海行慶如儀三十六年四月

上奉

皇太后巡幸山左登

岱嶽詣

闕里行禮如二十一年之儀四十一年二月以兩金川

平定

上奉

皇太后巡幸山左告祭

闕里如二十一年之儀四十三年七月

皇上東詣

盛京恭謁

三陵如十九年之儀四十五年正月

皇上南巡江浙

閱視陶莊新開引河

命以高家堰三堡六堡等處磚工一律改建石工以資
永遠鞏固徐州並山石隄加高十七層接築四百
五十丈直連山脚俾濱河永保安瀾至浙江

命自老鹽倉一帶改建魚鱗石塘三千九百四十丈以
為重門保障餘並行慶施惠如三十年之儀四十
六年二月

皇上西巡五臺四十八年八月

皇上以和闐瑞玉新造

列朝

冊

寶告成

命敬送舊

冊舊

寶尊藏

盛京

太廟至是由熱河

啟鑾

親往瞻禮致祭

駕至

興京

盛京恭謁

三陵

命重修

盛京

壇廟由山海關

回鑾

躬詣

北海神廟拈香餘如四十三年之儀四十九年正月
皇上南巡江浙以浙江海塘老鹽倉一帶石隄既已全
竣而章家巷以西惟賴范公塘土隄一道衛護形
勢單薄

親臨指示

特諭督撫採石鳩工一律接築石塘不惜數百萬帑金
俾瀕海黔黎永資樂利餘並行慶施惠如儀

羣祀

臣等謹按鄭志吉禮有封禪歷代所尚享司寒禜
葦茨桃梗高禩袂禊諸門考封禪之儀古不經見
所謂七十二代者大約起於秦漢之際依託附會
之言我

國家

重熙累洽

列聖相承

郊壇

嶽鎮之祀典文該洽誠無事侈陳封禪也至歷代所尚
之說五德相勝紛錯不一恭讀

御製題大金德運圖說詩序云五德之運說本無稽商
尚白周尚赤其見於經者亦祇白牡駢剛之類各從

其色至於上衣下裳元纁相稱則三代同之而德運之說固未之前聞也自漢儒始言五德迭王遂推三王五帝各有所尚後更流為讖緯抑又惑之甚矣夫一代之興皆由積德累仁豈在五行之生尅而服御所尚自當以黃為正餘非所宜元明制度尚黃不侈陳五德之王其義甚正本朝因之足破漢魏以後之陋說煌煌

聖言所以折衷前古之疑者昭然如發矇矣至於司寒

之享我

朝備藏冰開冰之制而不列於專祠崇以禱旱則已見於雩祭禱水旱門無容複述葦茭桃梗高禩袂禊之祀自唐以後已不復舉行今謹將封禪以下諸門並行刪去鄭志又有諸雜祠一門載周之壽星秦之陳寶漢之梁巫晉巫神君等祠皆多不經之祭我

朝釐定祀典正大光明凡臚於春秋祭祀者皆有功

於國有德於民報以饗祀唯宜唯稱謹依會典通禮所載考其由來述羣祀一篇

順治元年定祭

先醫神之禮每年春冬仲月上甲遣官祭

先醫於景惠殿在太醫院署內之左正殿內

太昊伏羲氏位居中

炎帝神農氏居左

黃帝軒轅氏居右南向配位

勾芒

風后東位西面

祝融

力牧西位東面東廡僦貸李

天師

岐伯伯高少師雷公

伊尹淳于意王叔和皇甫謐葛洪韋慈藏錢乙劉

完素李杲皆西向西廡鬼火區俞跗少俞桐君馬

師皇扁鵲張機華佗巢元方孫思邈王冰朱肱張

元素朱彥修皆東向正殿以禮部尚書一人主祭

兩廡以太醫院堂官二人主祭先期由禮部題請

今由太
常寺

雍正十二年

命太醫院御醫吏目等官咸齋戒陪祀其儀節具

大清通禮

右先醫廟

順治元年定祭

闕帝之禮初定制致祭於

地安門外之西白馬關帝廟歲以五月十三日致祭
由太常寺先期題請即遣本寺堂官行禮九年

敕封忠義神武關聖大帝

雍正三年

敕封關帝三代公爵定春秋祭禮置五經博士以奉祀事
禮臣議請封

關帝

曾祖為光昭公

祖為裕昌公

父為成忠公牌位止書追封爵號不著名氏於京師
白馬關帝廟後殿供奉遣官告祭其山西解州河
南洛陽縣塚廟并各省府州縣擇廟宇之大者置
主供奉後殿春秋二次致祭從之五年以

關帝廟重修告成定春秋致祭之儀前殿牲用太牢
遣大臣將事行三跪九叩禮後殿牲用少牢遣太
常寺堂官將事行二跪六叩禮餘儀皆同五月十

三日致祭用牲牢果實七年定直省祭

關帝廟歲三祭皆用太牢

乾隆二十五年山東按察使沈廷芳奏

關帝封號雖尊謚法未協請議更易以光典冊

詔是之因易原謚為神勇三十三年

詔加封號為忠義神武靈佑關聖大帝

右關帝廟

順治二年八月致祭

都城隍之神是年以八月二十七日遣太常寺堂官致祭行禮自後歲以為常廟在都城宣武門內八年定

萬壽聖節致祭之禮是歲禮部會議祀典請於萬壽聖節遣官致祭

東嶽

真武

城隍之神先期由太常寺奏請遣官

雍正三年令太常寺開列大臣職名請

旨欽點致祭

右都城隍廟

雍正四年建

禁城城隍神之廟九年建

皇城城隍神之廟一在禁城之西北隅一在西安門

內曰永佑宮歲以

萬壽聖節及季秋遣內務府總管各一人致祭如祭

都城隍廟之禮

右禁城皇城城隍廟

順治八年定致祭

真武

東嶽神之禮每年恭遇

萬壽聖節遣官致祭

北極佑聖真君於顯佑宮在

地安門外日中坊橋東南向致祭

東嶽泰山之神廟在朝陽門外南向由禮部題請由今

太常寺遣堂官一人行禮

右真武廟東嶽廟

順治初年定致祭

紅衣發貢神之禮每歲以九月初一日致祭於盧溝

橋北沙鍋村由太常寺奏請遣八旗漢軍都統將

事八旗各為一壇按旗排設礮位陳設畢具承祭

都統於鑲黃旗礮位前行禮七旗都統各於本旗

礮位前隨承祭官上香行禮副都統以下咸陪祀
康熙三十五年

聖祖仁皇帝親征噶爾丹遣官致祭

火礮之神讀祝行禮如儀先是遣官致祭各樣火礮
有神威將軍鐵心沖天子母各名又有新製銅礮
龍礮鐵心銅礮皆分案致祭三十六年凱旋致祭
如初

雍正三年定每三年一次遣官致祭

乾隆十八年定凡致祭八旗各遣一人承祭又定
火器營祭八旗

子母礮神每年請

旨舉行以火器營總統一人承祭三十年七月定致祭
礮神用祝版并製祭器

右礮神

康熙二年定致祭

司火神之禮廟在日中坊橋西歲以六月二十三日

遣行

雍正八年定祭禮牲用太牢

乾隆二十三年十一月二十四年十一月

皇上親詣拈香

右火神廟

康熙二十年重建

黑龍潭龍神廟歲以春秋仲月諏吉遣官致祭潭在

金山之麓

互見
雲
祭門

聖祖仁皇帝數以禱雨至其地乃鼎新廟宇
御製碑文以紀之

雍正二年

世宗憲皇帝親詣致祭澍雨立應重修工竣

御製碑文

親製宸翰勒石廟庭

乾隆五年五月加封

黑龍潭龍神為昭靈沛澤龍王之神二十五年二月

奉

諭歲祭

黑龍潭龍神改遣內務府

圓明園大臣行禮三十九年四月

皇上親詣致祭甘雨立應四十二年六月四十三年四

月四十八年五月並

親詣致祭如儀

右黑龍潭龍神

乾隆九年封

玉泉山龍神為惠濟慈佑龍神遣官致祭廟在京西
玉泉山之麓十六年奉

諭旨京師玉泉靈源濬發為水德之樞紐畿甸眾流環
滙皆從此濬注朕歷品名泉實為天下第一其澤流
潤廣惠濟者博而遠矣上有龍神祠已命所司鳩工
崇飾宜列之祀典其品式一視黑龍潭該部具議以
聞尋議奏遣禮部堂官一人往祭從之二十五年二

月奉

諭歲祭

玉泉山龍神改遣內務府

圓明園大臣行禮

右玉泉山龍神

順治初年定制致祭

后土之神

司工之神凡大興作諏吉遣官各一人將事豫日工

部官於營建所在因其方設左右二壇祭日承祭
官朝服行禮儀節與

都城隍廟同凡

盛京各直省有奉

旨興修工作之處亦先期照例致祭

右祭后土司工

順治初年定制凡大工迎吻致祭

琉璃窯神並經由一路

門神各遣官一人將事豫日工部官設壇於琉璃窯
及迎吻所經之各門祭日承祭官朝服將事與祭
司工神儀同祭畢導迎樂作鑾儀衛校舁吻禮部太
常寺官前導承祭官從所經諸門承祭官迎於門
前及工所管工官列班恭迎以入安吻事竣各退

右祭窯神門神

順治十六年以織造局設機致祭

司機之神遣禮部堂官行禮一應禮儀均與祭

司工之神同

右祭機神

雍正七年

敕封各倉司倉之神

國家漕運之制遠軼前代積貯盈溢分建各倉以貯
之倉中或舊有神祠未列祀典司事者以請下禮
部議通州三倉惟西倉舊有倉神祠在京城內七
倉惟右翼興平倉舊有大倉神祠俱應重加修葺

左翼擇於海運倉城外五倉擇於新建之儲濟倉
各建廟宇設

司倉神位每歲春秋致祭

敕加封號封通州倉為

均調顯佑司倉之神左翼倉為

豐儲裕餉司倉之神右翼倉為

佑農廣惠司倉之神新建二倉為

凝禧阜衆司倉之神各

賜御書匾額載入祀典

右倉神

皇朝通志卷四十一